

Te Kura Kaupapa Māori o Ngā Mokopuna

He Puna Kōrero

*Akomanga o te wiki Kōpuapua Teina
Kaiako : Whaea Gina Timoti*

Ka pū te ruha, ka hao te rangatahi



Kai ngā māhuri tōtara, ngā maunga whakahī, ngā wai tapu e rere ana ki ngā au moana, nau mai kake mai ki te wāhanga tuatoru o te tau. Ka rere, ka tiu ka topa ngā whakamiha a te akomanga Kōpuapua Teina ki ngā tōpito o ngā hau e whā.

Ka mihi atu ki ngā kaupapa ako matua a ngā ākonga o te akomanga. Te tūhonotanga o ngā pouhere o te tangata ki ngā Ira Atua, ki te taiao hoki. Ko te Kaitiakitanga tēnā. Ko Te Whare Tapere tēnā. Ko Mokopunatanga tēnā. Hai taunaki i ēnei kai te aro mātau ki ngā hītori, ki ngā pūrākau, ki ngā hītori, ki ngā tohu whenua, ki ngā ingoa tūturu o Te Whanganui ā Tara, o Pōneke, o Te Ūpoko o te Ika. Waihoki ka hono atu ki ngā tuakana o Kōpuapua ki te mahi tahi, ki te ako tahi i ngā kaupapa huhua kai mua i te aroaro. I tua atu i ēnei kua tīmata hoki te hākinakina kauhoe i waenga o te Kura katoa.

E kore e mutu ngā mihi maioha ki a kōtou ngā mātua, ngā whānau e akiaki, e tautoko ana i ngā kaupapa katoa o to tātau Kura.

“Kia tupu nga tamariki hei kaitiaki i nga painga huhua o te whenua, o te moana, o nga ngahere. Kia mau hoki ki nga ture tuku iho a nga matua tupuna, e pa ana ki te moana, ki te whenua, ki nga ngahere.”



2018 Hui ā-Kura

Wāhanga Tuatoru:
Hui Ohu:

Whenua:
Pōtu 7.8.18, 5.30-
7.00pm

Te Aho Matua:
Pōhina 3.9.18, 6.00 -
8.00pm

Pūtea:
Pōtū 7.8.18, 6.00-
8.00pm

Kaimahi:
Pōapa 1.8.18, 5.30-
7.30pm

Hui Kaihautū:
Pōapa 15.8.18, 6.00pm-
8.00pm

Hui ā-Whānau
Pōpare 23.8.18,
6.00-8.00pm
(Wiki Tuarima)

Kei roto i Pānui ā-Kura

Maramataka ā-Kura Hakinakina	2
Whakatō Pīngao	3 - 4
Whare Kawana	5
Ara whai oranga	6
Rarangi whawhati tata	7

Ngā rangi whakahirahira tata mai nei mō te Kura

Honongaitua ki te Maramataka Matua o te Kura ki te Maramataka Kūkara

<http://www.tkkmmōkopuna.school.nz/kokonga-whanau/maramataka/>

Ngā Rā	Kaupapa	He Whakamarama
Ia Rāpare	Papa Wira me Kutarere	Kai te papatakaro me te whira hoki, mauria mai ngā pōtae māro!!!
Ia Rāpare ka timata 8.2.18 3.30-5.00pm, ki wiki 3. Ka timata anō hei te wiki 7	Rongomamau	Kai te Horo
Ia Rāapa o te Wāhanga 3 25.07.18 -26.09.18 9.00am –10.00am	Te Puna kaukau Te Awa-a-Taia	Me tae ngā tauira katoa ki te Puna kaukau i mua te 8:40am
Rāmere 10.08.18	HE RĀ OKIOKI	Rā Kaiako - Kua kati te Kura
Rātū 14.08.18 te rā katoa	Whakataetae poitarawhiti Piki Ake	Taiohi Teina-Tuakana Kōtiro noiho
Rāhina ki Rāpare 27-30.8.18	Te Tari Arotake Mātau-ranga	Pōhiri me Hui ā-whānau i tono atu he kaupapa i mua i tenei wā.
Rātapu 9.09.18 10am-3pm	Taumahi ā-Whānau	Ohu Whakahaere
Rāhina -Rāmere 10.09 -14.09	Te wiki o Te Reo Māori	He whakanui me te Kapa Haka kei Poneke
Rāapa 12.09.18 1.30-245pm	Taki Rua Kaihaka	
Rātapu 23.09.18	Rā hokohoko	Kaupapa Wharekura

Whakatō pīngao



Ko Wayne rāua ko Hawea
e titiro ana ki te hanga me
te oraora o te noke.



Ka pai hoki te
pūāwai mai o te
mahi tahi
Te Wairakau me tō
kaiaako a Whaea
Manarangi



Kātahi ngā kitenga miharo, a-whakaahua, a-whakaatu mai, a-whakatinanatanga, a tō tātau
Ao Māori Taiao, Pūtaiao, e te hunga Kōpuapua, Wharekura Teina.
Pārekareka ana te kite a-kanohi, te wānangahia a-hinengaro, te
whakawhitiwhiti whakaaro, kōrero, te rongo a-taringa, a-ihu, te
whakaparuparu o te ringa, te titi ki te
whatumanawa, te ū hoki ki te ngākau, o
ngā mahi Whakatō/Rumaki Pīngao, a
Tukemata a Tane, i te Hue-te-Para.



o

Te miharo hoki ki ngā ākonga, ngā tamariki a-Tāne. Ko te
mokomoko tēnā, ko te noke, ko te ngata, me te huhua o āna tamariki i aruarutia i te
one taha moana. Ki a koutou, e aku hoa mahi, tēnei ka paripari te ihu, i te ataahua
ngā whakaritenga mō tēnei haerenga.

Te Rangikawhētui, Leilani, Rakairoa, Hamuera, tērā pea ko koutou a tātau mātanga Pūtaiao a tōnā wā!!

Hai whakakapi i ēnei maramara kōrero

“Kua whakangungua te tira haere ki te Kahikatoa, ki te Tumatakuru, ki te Taraongaona”



Ko Te Aorangi, e tatari ana
kia whakanuia te tika o tana
mahi.
Ae! Tai-Te-Wa, kua rite te
hohonu o te kōhao.



He tama ngakāunui koe Sonny, ki to Ao Taiao. Ko koe
tērā i tōku taha mai te tīmata ki te mutunga. Me te
aha pau ana te hau o Whaea Karina.



Whakatō pīngao

Te Rā Whakatō Pīngao

I te Rāpare te tuarua o Te Toru Here o Pipiri, i haere te nuinga o te kura ki Hue-te-Para ki te whakatō pīngao me ngā tukemata a Tāne. I reira hoki ētahi whānau me ngā tāngata nō te kamupene o Te Papa Taiao me te Kaunihera.



Heoi, ehara tēnei momo mahi he mea hou ki te nuinga o mātou, nā te mea kua whai wāhi mātou ia te tau mō ngā tau e 7, neke atu.!

He tino pai ngā akoranga me te mahitahi, te whakawhanaunga tuakana, teina me ngā rōpū rerekē hei tiaki i te taiao. He āhua uaua ki te whakamārama me pēhea te mahi ki ngā teina, engari mā te mahitahi i tere mau ngā tohutohu. He maha ngā momo ngāngara i reira pērā i ngā ngata, ngā noke iroiro, ngā pūngawerewere me tētahi momo mokomoko.



Ahako te tino kaupapa, ko ētahi i tino warea ki te aruaru. Ā, he mokomoko te hua.

I whakaaro mātou ka roa te mahi engari nā tō mātou rika, i tere oti, ā, i whai wā ki te kai me te whakataa. Ko te manako ia, ka pakeke ana ngā teina ka riro mā rātou te haepapa ki te whakaako, ki o rātou teina me te kite atu i te pīngao e tipu matomato ana hei ngā tau e heke mai ana.

Ngā tohutohu

1. Me kēri tētahi kōhao hohonu ki te papa
2. Ka rau atu he pire haumako
3. Ka purupeehi i te Pīngao ki waenga pū o te kōhao
4. Ka whakahoki i te oneone ki te kōhao




Te hononga o te rā whakatō Pīngao ki te kaupapa o te tau, 'Te Kura Moana

Ko te Pīngao tērā e noho ana ki tātahi i waenga i te tāhuahua/onepū, kia ārai atu i te onepū kia rere haere i runga i te whenua, i te huarahi me ngā whare i te taha takutai.

Kaitiakitanga

Ko tātou katoa ngā kaitiaki o te Pīngao kia ora ai te tipu ki roto i tēnei ao hurihuri. Mā te whakatō i tēnei momo tipu ki ngā tahataha o te moana ka whakamahia ngā rau maroke o te Pīngao hai raranga i ngā kete, i ngā tukutuku, i ngā pōtae, i ngā whāriki me ētahi tānikoniko i roto i ngā whareniui.



Te ahunga mai o te Pīngao

I te wehenga o Ranginui rāua ko Papatūānuku, i pukuriri a Tangaroa ki a Tāne Mahuta nā tana whakawehe i ōna mātua.

I ngana a Tāne Mahuta ki te whakakore i te pakanga i waenga i a rāua mā te tuku i āna tukemata ki a Tangaroa. Nā te kaha riri a Tangaroa, i whiua e ia i ngā tukemata ki takutai. I ēnei rā, ka tipu ērā tukemata hei Pīngao kia noho hei taiapa i waenga i te moana me te ngāhere.

He āhua ōrite te kupu 'Pīngao' ki te 'Ahupūngao'. Ahako he whakamārama rerekē tā ēnei kupu pūtaiao e rua, mā te hua o te 'ngao' e tipu ai, e huri ai, te rauropi, te pūrere rānei. Nō te whanau kōtahi te pīngao me te harakeke.

Nā mātou ngā teina o te Wharekura

Miharo rawa ki te kite i te u o ngā ākonga kōpuapua ki te kaupapa. Amokura, arā atu koutou.



Kuputaka

ahupūngao – physics
Hue-te-Para – Lyall Bay
Pire haumako – fertiliser

Whare Kawana



Kai aku nui kai aku rahi, nei rā ngā whakamānawa o te wā ki a koutou katoa, nau mai piki mai ki runga i te waka kawē reo, kia titia ki te ngākau, mo te āke, āke, haere ake nei.

I te Rāmere te 27 o Hōngongoi, i tonoa mātau, Te Kapa Haka o Te Wharekura o Ngā Mokopuna, me ngā kōhine o Te Rawhiti me Hato Kataraina, e te Whare Kawana kia tū, kia ngahau atu ki te Kura Tuarua o Majory Stoneman Douglas. He kura tēnei nō te whenua ō Amerika. I waimarie ngā mātātahi ki te tūtaki atu ki te Kawana Tianara ō Aotearoa, te rangatira a Dame Patsy Reedy.

Ko te aronga o te hui ko tū hai rangatira mō tō iwi.

I waimaria hoki ngā taiohi o Ngā Mokopuna, ki te haere atu ki te kura nei ki Amerika hai te tau e tū mai nei. Aiii kia timata rā ngā mahi penapena pūtea, kia haere atu ki Amerika.

Te Wharekura Ara whai oranga



Whakaniko Hangarau Āwhina mai!

Tēnā rā tātau e te whānau.

Kei te hōhā koe ki āu rawa tawhito? Kei te whakakīkī wāhi rānei i tō whare, kāore hoki koe i te hiahia?

Tēnā haria mai ki te Wharekura hei whakanikoniko mā mātau.


Ko tā mātau mahi i te wharekura ko te whakaniko i ngā momo hangarau hei whakamahinga mā te

marea. I te mutunga iho ka hokona atu ki te hapori mā roto mai i tētahi māketē hangarau ki te kura nei. Ko tā mātau kaupapa ko te pou Kaitiakitanga o te Manawa Mouriora

Mēnā rā nei he taputapu āu, he rawa pēnei i ngā whakaahua, tēnā koa kawea mai ki a mātau.

Mēnā rā he uaua tēnā, īmera mai ki a hukarere@tkmmokopuna.school.nz ka whakarite mātau kia haere atu ki a koe ki te kōhi. Āwhina mai e te whānau!

Nā mātau me ngā mihi nui



Whawhati tata - Rarangi Kai !!

In the case of a major emergency where we have to stay at Kura due to road closures and flooding, for more than a day or two. We need to have enough food and water available.

Kua tonu atu ki a tātou katoa mo ēnei kai koha:

He kēne 430g e rua (x2) mo ia tamaiti

(He kēne 140g e toru (x3) rānei)

Kōhungahunga Teina/ Tuākana - Kēne miti me te lka hoki



Kōpuapua



Teina/Tuākana - Kēne



Huawhenua



Taiohi Teina/Tuākana Kēne



Pākēti me Pēkepīni



**Wharekura - Kēne
Kirimī Raihi / Hua
rākau**

**MAURIA MAI ōu kai haumarū ki
tōu akomanga**

Pouaka Kai

Each tamaiti needs to bring their Kai kit to help with their initial kai to have their Lunch box left at Kura with these essentials:



Sample choice:

3x canned Creamed Rice, Barley sugars, Noodles in a Pot, Torch with batteries, Fruit & jelly, Biscuits & a treat, plastic spoon, 2ltr Water bottle (WEMO suggest 20ltr water per person/day).

These items will all be either put into a Christmas hamper or grocery parcels every end of year for whānau or food banks. Then we will replenish at the start of the year.